

復齋文集卷之二十一 目錄

墓表墓志

先祖父母墓表

先考妣壙志

崑來陳公暨王太孺人墓誌銘

葬湖蓮記

瘞齒誌銘

夏貢士墓誌銘

復齋文集

卷二十一

墓表墓志傳目錄

董繩庵太翁墓誌銘

家奉祀生補之墓表

傳

孝鷺傳

祭文

祭朱文公文

武侯祠祈雨文

謝雨文

祭四妹文

泰順曾鏞鯨堂氏

祭族兄良齋文

同鄉公祭李母林孺人文

祭廷尉周立崖先生文

祭瓊州吳太史符宜人文

補遺

書辛未樓屋被火事

勸捐育嬰堂田產引 附嚴禁溺女示

復齋文集

卷五

祭文目錄

復齋文集卷之二十一

泰順曾鏞鯨堂氏

先祖父母墓表

先祖諱士鎬字韜經號坤垣泰順山陽曾氏也七世祖諱顯歷任永定縣陽山縣知縣行載浙江通志明循吏傳六世諱鑾本縣訓述五世祖諱一誠賀縣知縣高曾祖皆邑庠生歷明迄國朝始居邑之東隅山陽後分居城內士林坊鄰里以遷自山陽因稱城內所居爲山陽曾亦曰下山陽考諱學文曾改諱煥字公敏嘗與梅友人

復齋文集

卷二十一 墓表

讀書西門夜夢有官差來傳公疑是縣傳易衣而往及至廟堂壯麗輒非縣署其官吏衣冠亦迥異時制公因跪而請曰奉傳何事曰爾數盡此夕矣曰士之賢不肖人可欺神必不可欺小人數盡此夕自是天命竊有三不願曰有何不願曰不孝有三無後爲大小人尙未有子一也爲人子未送父母歸土二也父母望小人讀書揚名一矜且未得三也是三不孝也伏祈神明尙加矜憫其神似領之有頃曰吾姑爲爾請爾且回館讀書明年當入學又明年當得子四年可合塋爾父母五年爾

可自來矣驚而覺卽蹴梅友起爲述所夢梅曰夢耳何
事驚駭後五年竟無不如夢梅丈當先祖稍長常以所
夢語之曰此汝所以乳名阿求也命數與子非爲人如
尊甫度不可求求而得子必克家令子矣計曾祖卒時
先祖尙未及二周曾祖母趙氏煢煢寡居愛憐自甚先
祖生而孝謹不待烝矯已成器所有先疇負郭者計
種僅三貫食脯不給所須在鄉舊產租息亦微離城又
不下百里先祖年甫十四輒躬自負米以給養飧見者
莫不歎息而一時同堂兄弟方家運式微多不讀書常

復齋文集

卷五 墓表

二

不免欺凌孤寡先祖則謹遵母訓遇事退讓自盡吾是
藉以相安于後聞同堂中嘗有凶橫不法經縣查知必
爲先祖嚴治之且力爲求免生平以節儉成家物力乃
所甚惜然自奉極約出納極寬與鄉黨相處一以淳厚
而一言一行必信必誠則不勝剛直此又鏞心知目覩
不待耆長傳聞者故在鄉黨人加尊敬如鄉飲之典在
他州縣多相習爲歲事泰順獨慎重其人往往十數年
數十年不舉行乾隆間闔邑紳士特爲之請縣詳司行
鄉飲禮年躋七十精力尙健爲故居窄小不足分處子

孫乃構屋于北門之象坪。至辛卯春，始卧牀。席鏞從先君與諸叔扶持左右，每念及曾祖母，猶然孺慕焉。時曾孫璜適出天花，凡發熱灌漿，按期必問，聞痲已落，爰命鏞曰：「明日令舉家齋戒，虔設牲醴爲我拜謝天祖。」我將去矣，先君率鏞等忍淚從命。是夕竟奄逝，如睡時。三月二十一日戌時也。距生于康熙丁丑年二月初八日卯時，享年七十有五。戚里私誄曰：「孝成先祖母吳氏，曾祖公敏公同里素交吳公女也。」長先祖四歲，以二十

二于歸。逮事曾祖母，備盡婦道，諸得歡心。考厥壺行家

復齋文集

卷三

墓表

三

用本不足，自祖母處之，量入以出，止覺有餘。人情所不堪，自祖母受之，食惡衣麤，止覺自得。待子婦綦嚴，而子婦無不起敬起孝。心知爲慈，處親族以厚，而自中表子姪至子壻，有事請見，悉自戶內揖而問之，從未嘗踰閭與之坐，而語其以勤勞強立門戶也。如彼而其以禮法嚴別內外也。又如此。乾隆辛丑鏞時在京師，館于周大司空宅，以祖母年幾九十，曾乞爲壽序。鄉俗祝壽，多遇九卽作幾十壽。家君用製錦稱觴爲祖母壽，是春數月，邑中戚黨無不分期備燕。祖母悉從俗受之，籃輿出入

慈顏加鬢居無何忽于坐作間覺身勢漸漸下墜令孫媳輩扶之起扶之愈力身輒愈下祖母方自顧而笑謂何故身重至此因昇之牀不久遂自棄世視先祖之卒同一考終時四月初十日申時也距生于康熙癸酉年十月二十日午時享年八十有九戚里私誄曰慈淑子四長先君諱啟賢歲貢士 敕封修職郎晉 贈文林郎次啟豪三啟俊四啟傑女一適本城周啟耕新城訓導先祖卒後嘗以乾隆丁酉卜塋于井壘洋寨下並築祖母生壙乾隆甲辰用合塋焉至嘉慶二十五年恭逢

復齋文集

卷三

墓表

四

萬壽覃恩 馳贈祖父爲文林郎湖南永州東安縣知縣 馳贈祖母爲孺人禮宜焚黃告墓嗚呼夫人先世之德澤豈以名位之顯晦功業之大小異哉若先祖父母其庸行潛德寧唯是寒門士女可世奉爲家法乃自卜塋以來忽忽四五十年未爲之表謂有待乎方今幸邀 盛典而以鏞年迫桑榆語言已無倫次更何敢不亟述所知用示後人哉

皇清庚辰年四月下浣嫡孫湖南永州府東安縣知縣曾鏞謹表

先考妣墳志

先府君諱啟賢字敬承號道川姓曾氏泰順城內下山陽人也先祖諱士鎔祖妣吳氏伯叔四人府君長生于康熙丙申年十一月初九日卯時自少敏悟文舉筆立就然遇試多阻抑年三十三始入學補廩至鏞拔貢之歲始成歲貢士生平純以坦白與人遇事仗義無機心遇鄰里窮窘必周卹之雖家食不給不自顧惜性不與俗校雖遇橫逆移時若忘從未嘗有所記憾向以行誼重于鄉凡官是邑者無不愛且敬然非公不至居常教

復齋文集

卷五

五

鏞及孫璜外卽寄情園圃花木終歲無貳事鏞年方弱冠不惜破盡中人產使游京省期大有成痛鏞不及揚顯乙巳歲以孝豐教諭迎養于學迨庚戌恭逢

壽覃恩得封修職郎不幸于二月二十一日子時終于官署享年七十有五比扶輦歸里傾城無疎戚皆白衣冠以迎私謚曰文愨先妣太孺人陳氏本城圭玉公女也生而婉婉極爲外祖父母鍾愛迨歸先府君親操井臼敬事舅姑習苦怡然先祖妣以勤儉起家素嚴厲嘗俯撻之從容跪請曰容起受撻恐阿媽手酸也其天性

至孝大率爲人所不能爲歿時鏞未及六歲不能彷彿
先祖妣每與府君追念之未嘗不言與淚俱也先繼妣
太孺人夏氏風門昌松公女也性嚴而慈歸府君時鏞
方九歲撫之如己出鏞雖長間遇鏞疾恙雖于夜必起
視湯藥愈然後卽安撫于婦尤備恩勤自忘暈勉也先
妣生于康熙己亥年二月初六日未時終于乾隆癸酉
年三月初五日戌時育女子二皆適林氏先繼妣生于
雍正乙卯年九月十八日申時卒于乾隆庚寅年八月
初二日辰時育女子二一適高氏一適李氏均以

復齋文集

卷三 志

六

萬壽覃恩贈孺人府君歿之明年正月丙子元旦合葬
于地屏山下湖之巔煢煢一身倉卒營塋不能備述謹
節畧梗概濺淚志此同掩諸幽嗚呼痛哉

崑來陳公暨王太孺人墓誌銘

公姓陳氏諱有桂字圭玉號崑來羅陽太平坊人鏞外祖也生于康熙乙巳年八月十二日戌時終于雍正戊申年五月二十四日辰時德配王太孺人生于康熙戊午年閏三月初三日亥時終于乾隆甲子年五月初四日午時育舅氏五長國緒次國珍三國蘊四國錄五郡庠生國泰先母其少女也乾隆四十一年十一月二十九日舅氏暨外兄將塋公與太孺人于柘坪龜墩而使鏞爲之銘嗚呼鏞生未六歲先母已自去世外祖母之

復齋文集

卷三 銘

七

歿也去先母十年外祖之歿也去先母又二十餘年矣鏞不惟不獲見外祖外祖母之音容言動並不能記憶先母之音容言動回首茫茫愴懷欲絕鏞將何以銘鏞之父謂鏞曰汝志之公爲人和而厚重然諾樂任郵雖寄身市井一言一動鄉之人咸推重焉同里嘗有遭家多難負官項數歲不獲償旦暮追呼婦子離散公見而憐之遂取平日勤勞所積得三十金自爲之償其人得以全時邑侯聞之旌其堂曰好義可風蓋一事也生平可知已至若王太孺人德性慈祥黽勉有無凡所以成

公之厚者動具姆教而眷眷恩勤于汝母爲尤甚鏞又
何忍銘也謹誌所聞濡毫腸斷銘曰
生平潛德歿罕有知亦有外孫母德之不知其能誌母
德之所自詒嗚呼是可勝悲

復齋文集

卷三

銘

墓湖蓮記

山陽南山頭有季女曾湖蓮墓此予季女也乾隆丁未
年十月十六日舉于孝豐學署以產于湖故名曰湖蓮
眉宇清奇性復早慧未能言聞次女讀書輒能學子曰
豕曰語戲嬉署內動解人頤時同官應公無日不懷果
以餌相視真掌珠也數年冷宦官貧親老賴此得以娛
色笑慰窮愁蓋所得于湖者一封典與此耳至庚戌二
月先考長逝幸而得扶櫬越明年二月粗成先兆此女
以亡

亡于乾隆五十七年二月二十三日

回首在署光景比苦次之日每

復齋文集

卷三 記

九

設奠知於邑拜跪見予伏地哭渠亦哭而扶之曾不期
年而又哭是謂予何以堪也壬子六月初五日予以服
闋將赴省爲墓此山後之人愴然有感于予之宦湖勿
以爲無服殤也尙歲一加掃以志予痛亦以見予宦況
云

瘞齒誌銘

復齋先生有齒三十有二少潔齊長而強固以先生蓬
累于行暴露頰頰蒙犯風霜洎壬子十月齒始病于杭
其後二年正月先生自泰趨杭復病于括蒼之溪舟自
是乃左頰上齧第二第三兩齒間其抱齒之齧輒凹然
而萎此兩齒遂綴然以垂而凡決乾齧骨一切堅大之
責率付右頰無能爲焉先生口有舌故訥不事事爲兩
齒之旣病也壹似劇憐而撫之時時以其舌之顛抵兩
齒而搖之搖之蓋以眠其固否也會齒微恙類甚先生
率不怪已未先生講學鏞州舌稍稍任事然除二三學
子相稱說古今糟魄外無事如故態越六月二十六日
癸丑旦先生坦而睡其舌之顛仍抵兩齒以搖賊而搖
之力覺而起則此第三齒已掣爾橫口頰間及整之以
指脫然落矣先生吐諸掌摩挲良久乃置去已而其人
相與竊視之曰齒之固自若也齒有根三根亦自若也
嘻是直以先生之窮蹙累之使剛介之骨無所憑藉甘
苦備嘗之素懸而無用而舌又自以無聊之顧慮以日
以年卒以搖落其視先生塊然無所用于時卒將忽忽

以終何如也。齒之年計四十有四。男子八月生齒。八年而毀齒。先生毀齒之年。蓋是齒生年也。先生長于齒。且八年。二齒競搖。猶可。又落一個焉。先生危哉。盍匣而銘。諸銘曰。

矢則有弦。而楊以穿。劍則有靶。而犀以剗。齧則萎。而皓齒爲之摧。齧乎齧乎。其尙期諸黃髮。固乃兒齒之根乎。

夏貢士墓誌銘

先生姓夏諱時光字觀侯自號粹齋世居泰之風門其俗務質黜文士祖考皆淳樸服農先生幼而巋然家故貧獨勵志於學稍長負笈郡縣間恂恂善下能自得師年二十四充附學生二十六補增廣生日有聲庠序旋補廩膳生自是而其族子弟以文學著者接踵矣居家素孝友處鄉里以信義舌耕之餘雖自以力行節儉有厥家視邱墓無田兄弟不違置卽推田爲祭產視祠譜不修宗族無以合常出身爲族謀有紛則解之遇貧則

復齋文集

卷三 銘

十一

卹之一鄉多嘉賴焉乾隆庚戌以

萬壽覃恩充恩

貢若先生者亦可謂經明行修矣旣卒塋其嗣復請銘於余余曾躡屐風門飲先生酒能言先生梗概爰綴以銘曰

峯城之峯削若芙蓉芙蓉凹處有翁在中我能濟勝翁尚抱冲翁遽厭世峯自摩空思理遊杖將誰適從

董繩庵太翁墓誌銘

先生姓董氏諱蘭桂字同芳原名承爻字赤卿自號繩
庵世居泰之霞暘某公次子也爲人嚴重有壇宇目稜
稜有光而性行特篤九齡而孤能茹苦力學暇則析薪
以助爨年二十二補博士弟子爲母老棄舉業就養左
右無日廢離旣卒塋終其身猶孺慕其事兄也不期友
而自盡弟道其愛弟也撫其孤則有甚比兒於姊妹則
不敢以有受我而薄于父母所愛則有歿身敬之不衰
者焉平生雖以勤儉起家遇施受取予必准諸義語其
復齋文集

卷三 銘

十三


待人謂其無貴賤能否一接以誠敬與之言必因事訓
告雖田夫野老亶亶不厭信然也苟卿稱君子度已以
繩待人則用拙蓋先生自號意先生洵有焉元配林孺
人亦有婦德出子旋業儒繼配朱孺人以母儀著出子
旌邑學生次旌次旌皆業儒孫九人先生以雍正某年
月日生卒于乾隆某年月日嘉慶己巳某月日諸孤奉
先生柩與林孺人合塋于張地之一松岡其子旌持行
述請銘予素識先生喜其能論譏先德用卽所述以誌
而爲之銘曰

篤行之身桑梓之型余于此次雞漬酒紉逸老成固知
川岳有靈必產夫達人

復齋文集

卷三 銘

十四



家奉祀生補之墓表

長沙宗聖廟奉祀生諱衍先字樹本號補之宗聖曾子六十七代孫也曾氏自西漢末從山左遷江右又數分徙而居湖南邵院西街考諱尙佳號兼五性廉介不苟取曾拾遺金百兩于道旁坐以待遺者其人至以其半謝公公曰若貪金不坐待矣麾之去人謂曾氏有隱德當有達人兼五公有子三而伯季皆早亡補之其仲子也生平學問不屑屑于章句專講踐履工夫嘗游京師及浙水其信義在人多有可稱年三十餘輒杜門不出

復齋文集

卷五

墓表

十五

敦修實行歲戊午宗老雩臺諸公議建宗聖廟于省垣咸以建廟諸務非補之公不可悉受經紀焉廟旣落成族人服其公正山東世襲翰博以補之品誼堪膺奉祀爲之請于衍聖公會東撫長學政錢合咨禮部准補宗聖影堂奉祀補之性素誠敬嗣是其奉祀之誠有非第以在廟見者聞方議建廟諸公商之補之補之曰傳稱神不歆非類類非徒種類之謂也凡人奉祀神明若反而自思與神明無一毫相似卽謂之弗類宗聖親傳一貫我輩爲其子孫試捫心自問能有一毫相似否否則

棖桷几筵徒壯廟貌隆禋祀神其怨恫矣所言如何警
切又聞丙子科其嗣君興仁方取鄉魁補之引而戒之
曰爾無以一榜芥胸中我輩讀書須從語言文章體貼
古人深處若讀書不能力行就胸中記得筆下寫得總
是空殼子與己無預此皆儒者精要語也是科鏞奉調
入闈司內收掌及事竣出闈獲從宗族謁宗聖廟與補
之曾把晤再三聞其言行于宗族者既詳又自心契其
爲人而補之以己卯年三月十二日聞已棄世享年六
十有八是年八月其嗣興仁塋公于省南城外之羅脊
復齋文集

卷五

墓表

十六

岡旋持其行實請爲之表余喜其能論譏先德無異余
嚮所見聞用卽節錄其所述可以垂訓後人者使勒諸
石

孝鷺傳

孝鷺者復齋所養鷺也壬子冬嘗署雲和學博溪齋無事比至春有粥子鷺者爰取二頭養之以銷寂寞渴則酌水以飲之饑則握食以飼之齋有雞將奪其食則常以物捍之是兩子鷺方脫殼失母視養之者無不可恃有是一似卽其母也因隨余所處輒伏足旁行亦從之鷺一雌一雄雄者特甚及卸事乃籠之以歸由雲和至家後先籃輿稍稍離遠其雄者則四顧鳴不已旣至家夜授以棲早啟之是鷺率由廊下而堂而寢至余卧所

復齋文集

卷三

傳

十七

遇予或未起卽伏床根不作聲視余攬衣起則哥哥然先出房門立以俟無日不然或使人驅而浴諸溪率不多時卽先反其雌者雖終日浮暖水草非所繫戀也余嘗出鄉三日是鷺立于堂之後鳴而不食者亦三日一門莫不爲之感動是秋余復往省垣及金華嘉興江西桐城至戊午冬始一回家前後凡六年矣至家之夜是鷺遙聞人語忽長鳴達旦蓋猶識是養之者之聲也及早疾趨余所坐處引頸鳴兩膝間有不勝悲歡交集神情問前此雌鷺久已不在更予之匹且復有子是老子

鷺仍概置不顧終日追隨左右如始養時其明年余遊
閩中家中以余次女居鄉將是鷺寄養以就水草越辛
酉余自閩歸曾至次女家次早有鷺且行且顧直上大
廳賊而飛鳴向余前不意卽余所養老子鷺也聞寄養
二載從未至廳乃亦聞聲而知既見余更一步不離如
是三四日迨余將乘籃輿歸是鷺乃從輿前先昇者趨
自左格之則自右趨自右格之則自左趨時女家姻黨
送余者互抱之以退則如嬰兒中道失慈母其哀嗽之
聲殆有不可聞者吾以思夫人萬物之靈也人少則慕

復齋文集

卷三 傳

十六

父母有妻子則慕妻子況禽鳥乎計是鷺爲余所養曾
不過百餘日而以是鷺依戀所養一至于此其在于人
非所謂大孝終身慕父母者乎余非閒居無事何從得
盡其性又何從知物情之摯固有一至此者也壬戌余
補授湯溪學欲攜是鷺往爲亡兒故不堪以之增感用
屬次女家善養之以盡其年後五年乃死余次女徐壻
爲塋諸徐坑之山嘗聞唐天寶末有沈氏孝鷺塚是可
並傳矣

祭朱公文

維年月日。正學書院掌教會鏞。率門弟子。謹以清酌庶羞之儀。祭于先賢文公朱子之神前。曰。尼山之道。宋實昌明。懿我文靖。載道來閩。下開羅李。上繼周程。煌煌統緒。誰集厥成。天篤斯文。夫子挺生。成終成始。曰敬曰誠。遠惟鹿洞。近仰考亭。龜山之陽。小子談經。敢羞俎豆。教澤維新。尙饗。

復齋文集

卷三
文

十九

武侯祠祈雨文

祠在東安西門

維大清嘉慶十九年六月某日東安縣知縣曾鏞敢昭

告于諸葛武侯之神曰維公功侔伊呂才駕蕭曹力存

正閏于三分手布風雲于八陣界臨粵竟此地尚峙高

臺

在東安縣後

厓勒漢營到今猶欽古跡

在東門外

世崇享祀民

之奉公也蓋誠時際災荒公之愛民也必甚今者天逢

旱魃野等石田並走山川庶曰崇朝其雨日祈方社依

然有嗟其星咎徵見于恒暘是有官責無年書從累歲

如斯民何伏惟當年駐節之靈一普此日卧龍之德尚

復齋文集

卷三

文

二十

起嘉禾于既稿免詒兆姓于薦饑敬率紳耆籲哀祠宇

尚饗

謝雨文

維大清嘉慶二十四年六月十六日東安縣知縣曾鏞
敢昭告于諸葛武侯之神曰日因亢旱徧禱羣神雨一
清暑旱又經旬謹率寅屬乞公之靈惟公之靈可格一
誠曾不終日風驟雲駢終宵靈雨優渥鄉城大無可免
晚種可成轉荒爲稔端仗鴻仁俎豆尸祝壹何能名泥
首致奠終俾盈寧尙饗

復齋文集

卷三

三

祭四妹文

維嘉慶七年六月二十六日，兄曾鏞謹以牲酒之儀，致祭於順媚四妹之靈。曰：嗚呼哀哉！命也慇，獨我抑何酷。顧予一身，曾幾骨肉；胡不兩月，天亡相促。嗚呼四妹，予撫汝長，汝抱姪大賢，如汝姪淑慎如妹，明明上天，宜未有害。我罪伊何遽天，汝輩嗚呼四妹，汝歿有孤，我存而獨。我忍奠汝，汝應我哭，哀哉尙饗。

復齋文集

卷三

文

三

祭族兄良齋文

維大清嘉慶十五年歲次庚午六月甲申朔越二十六日已酉族弟鏞謹以香醴之儀致祭于良齋二兄先生之前曰嗚呼老成凋謝邦國同傷矧茲親舊情胡忍忘嗟若先生身潛草莽品重圭璋遇自履坦行自以坊睦嫻任恤人仗胥匡子諒易直孰與等量以予苧末久炙温光先生伯仲方萃此堂難兄難弟元方季方酒壚如昨人琴俱亡向風思舊若何俛俛跪呈雞酒靈其皇皇尚饗

復齋文集

卷三 文

三

同鄉公祭李母林太孺人文

李君孟鶴母在京聞

於戲惟堊儀之淑存薰梓里而彌芳故勦莫重乎梱內

而風托始于閨房猗慙媿之母德蘊粹質于金閨訊柔

嘉于綺歲早應節于珩璜夕鸞鸞而來括鬣雖髻以捩

攜幸芭蘭之逮獻躬鞠登以相將問有無以黽勉歲食

貧而若忘笑牛衣其何泣羨鴻案之相莊念嵬來之績

學比徐吾之分光手析松而繼晷宵佐讀以七襄唯君

子之德立家徒壁以何傷卒相成以內相覃世澤于青

箱於戲壺政之輝也輝何事乎銀黃庸德之榮也榮何

復齋文集

卷三 文

五

有乎金張唯嘉嗣其挺出創盛門之餘慶繫玉溪之華

萼標雅範于膠庠粉盈門以桃李人敬祝夫辦香南稱

柑而北橙推學府與謨觴慨下士之浮薄競追曲而毀

方羗獨抱乃渾璞不自鬻吾圭璋匪義方之自昔胡偉

器之昂藏矧蘭蓀之繞膝方萬玉而琳琅企合飴于蕙

寢知戩穀之未央於戲金堂溢其西覆兮寶婺黯而不

彰駟玉虬其安指兮參瑤象以回翔耳紫鸞之啾啾兮

羣攬蕙以浪浪布椒醕而杼譚兮靈森舉以皇皇於戲

尚饗

祭廷尉周立厓先生文

代其門生方青門先生作

於戲玉衡耿而夜落兮，平星隳而不明。秦嶽溢其東覆兮，喬松栽其下崩。揮陽戈使迴影兮，靈自徂乎太清。鞭巨鼈以肩屨兮，卒莫展夫惻誠。緬道兒之磊磊明明兮，存固不恃乎生念去此其從誰兮。又誰禁淚潺湲而交并，維判山之嶽翠兮，萃井鬼之精英。控碧雞與金馬兮，壓華恒而吞滄溟。極蜿蜒磅礴而必發爲偉人兮，鬱靈異于南寧。繫吾師之篤生斯宇兮，案鍾毓之所憑。抗澄心以希古兮，由孤立以亭亭。聯杞梓而崛起西南兮，騁復齋文集

卷五

支

珍駕于蓬瀛，寄生涯于詩酒兮。寓奇氣于墨卿，當鄙綠之滿酌兮。吸五斗其若鯨，乘淋漓以振翰兮。勢鷹時而鸞驚，膺元章之素癖兮。靡張旭之豪情，憶昔造烏臺而亂典兮。簪白筆以稜稜，泊歷棘廷而正法兮。常自有其哀矜，時手提夫風雅兮。桃李紛其滿庭，慨下士之浮薄兮。競追曲以爲名，彼握珠以彈雀兮。忘夫重而得輕，此魚目之鱗雜兮。謂明月其弗瑩，嗟若夫子之不負初心兮。問涉想其幾曾，繫孤標之章章如是兮。固宜躋鼎台而慶岡陵，何堅芳之易折兮。邁凶問之頻仍，痛元昆之

勤厥官而捐館兮。等死事于元冥念

一人之軫念

賢勞兮。錫寵命于九京。哀與感其交集兮。爰力疾而遙
謝恩榮維

天眷之高屋兮。憫鶴骨之凌贈。令返旆
俾護病兮。胡旋踵而遐征。息哲人之云萎兮。感共切乎
簪纓。矧吾儕小子之夙歸陶冶兮。誼又等乎生成。悲辦
香之銷歇兮。絳帳闋其烟凝。將焉仰而焉托兮。徒相向
以失聲。跪陳詞而布奠兮。抒悽惋于椒聲。旗鶴紛其下
集兮。企蚡蠶于檐楹。嗚呼尙饗

復齋文集

卷三

文

三

祭瓊州吳太史符宜人文

代其門生作

於戲哀哉綺閣香埋瑤臺烟結組帳空懸靈衣虛設耿
耿天孫之影入夜全微淒淒少女之風凌晨倍切一窗
暗紫竹染淚以凝班滿院深紅鷗無聲而濺血慨蘭英
之芳馥時未艾而先摧何瑀佩之鏗鏘質以縝而中折
惟宜人之云逝念夫子所神傷溯遺徽于巾幘早比德
于圭璋卜鳳婉變秀冠一門妯娒聞雞盟洗頤解兩代
尊章若乃翟芾南來魚軒北上憑誰獻苴軻將發而猶
遲何處投筒轅欲還而未得幾載神仙之宦解勗官箴

復齋文集

卷五

五

一庭臧獲之微平分內則不聞嗃嗃肅環響于玉署階
前敢喚卿卿佐琅函于金蓮炬側方謂雙飛海鶴穩宿
瀛洲定教百尺虬枝更森上國詎意家方多難運甫遭
屯燕在筐而旋去珠入掌而還淪匣繡祿于牀頭痛每
深于刳股目羊車于堂下腸有甚于轉輪遂使色變青
萱忘憂無自加以慮深黃口故疾更新菊採南陽全乏
延齡之效香來西域難徵續命之神可憐風燭竟作埃
塵冰輪墮兮玉座寒筠簟空兮銀釭碧悲涼思子之臺
寂寞望夫之石何日芙蓉嶺外擁去香旌幾時玳瑁汀

前歸來芳魄。招以雲間五指空。擎數點螺青。望窮羅岫。
雙峯。唯是一株梅白。聲銷素幙。知奉倩之悲感較深。淚
滿青編。識子荆之愁懷難釋。吾儕小子。風景餘芬。雪夜
執經。幸附庭前游酢。花朝問字。時欽帳裡宣文。豈服神
方。握姮娥而入月。定參列宿躡躡寶婺。以凌雲惟坤儀之
難沒。憶閨德之旁薰。用陳哀誄。上達悽焄。

復齋文集

卷三 文

書辛未樓屋被火事

嘉慶辛未正月，余所居泰順北門內樓屋火起，自屋之東北隅，凡服物器用咸在，而所有書籍則盡在。西樓時甫上燈，屋之東畔火已炎炎，達棟瓦更無從救。余急上西樓，欲得人搬搶書籍，而鄰里之來救火者，悉爲門牆阻逼，不得入。乃自徧索生平所作經說及詩文於前，此所曾安置之處，輒一不可得。而火焰且穿西樓，不得已，卽疾趨而下，偕妻兒立于大門外一空坪，束手望火。自初昏至二更，火尙燭天，人人爲歎息相慰。余旣謝之，竊自以爲編茅皆堪容膝，被褐亦可禦寒，若書籍雖多，余時已衰朽，如子孫不能讀，猶之焚也。且如余以此夕死，諸物舉非我有矣。何足深惜，特不解余所獲罪于天者，何甚，乃并此生心血，可卽小小著作，以留遺于人世者，亦概付之一炬耳。旣而親好延至其家，復自思所有拙作，卒安置何處，或告以通屋無他物，捨出惟有一舊香几，與一破紙箱，不知何人捨在空坪。余曰：「心血在此矣。」適忘數日前曾取所作嚴陵釣臺詩，以示潘生崇秩，隨手于東北隅樓上，并經說及古文攜過西廂樓上，俾

閱過卽置是樓香几中。今香几獨存。則所有拙作。度必未燬。諸及門咸趨至空坪。抽其盃果。未燬卽羣鼻。以來余不禁欣然望空拜謝。彼蒼何以哀憐此生。有是壹似陰相之使。不遽作煨燼也。豈以所作如易說。獨足闡先聖之旨。而發漢唐以來之蒙邪。竊自加珍惜。若夫破紙箱。乃邇時以貯破書與破紙。委之樓廊。將以焚諸字庫者。至是啟視之。不知何時有自少所作時文數十篇。包裹其內。非此則制義。雖無甚緊要。半生工苦。亦無隻字也。皆可記幸。

復齋文集

卷三

記

三

勸捐育嬰堂田產引

孟子曰先王有不忍人之心斯有不忍人之政爲徒善不足以爲政也東邑俗多溺女恬不爲怪甚至溺男本縣嘗出示剴切勸導苟有人心能無惻隱揆所由溺抑多難言今第禁之溺不能力爲之所卒難保其不溺爲民父母坐使愚夫婦忍心至此凡我父老暨厥善良坐視鄉黨間忍心有此又焉得不力爲之所本縣見在設法捐資三百兩置買屋宇仿蘇揚各處作育嬰堂聞紳耆中已多願捐田畝者則收養雇乳諸經費不患無出

復齋文集

卷三 引

三

本縣不勝欣幸特天下事不乘此踴躍同心之時決截做就若觀望周章卒至退縮中止者不少今爲紳耆約期一月間其規模必先可定竇到捐簿各隨願力卽行捐撥度凡有力之家與其爲人間多置無常主之美產何如爲子孫多留不可奪之福田其有能慷慨出力爲一邑倡者在紳耆自出自至誠非以干譽本縣當稟請旌獎以風好義

附嚴禁溺女示

爲嚴禁溺女以全生命以挽澆風事嘗聞分成男女

道本乾坤故殺卑幼罪科尊長查東邑俗多溺女相
習成風恬不爲怪因之且有溺男者流毒至斯深堪
切齒抑知天地之性人爲貴惻隱之心人皆有彼昆
蟲草木時方生長苟有仁心猶且不忍傷折且如犬
之有雌人家多不欲畜方其生也設若使人特取雌
者卽投之水人必不忍爲也況鷹鷂雖惡必不自啄
其雛豺狼卽殘必不自戕其子奈之何以生人親生
骨血同此嬰兒同此性命一見是女乃悍然自生自
溺使呱呱然偃仰覆盆之頃求生不得逃死不能問

天地間事之至慘者孰甚于此心之至忍者又孰甚
于此也爲難養溺耶嬰孩食乳需養幾何長授女工
亦堪自食不溺安必難養爲難嫁溺耶婚姻論財多
由女家不索聘禮誰計粧奩不溺安見難嫁爲擇婿
難耶男女作合莫非前定且問名許嫁此皆事之可
惟我徐圖者也不溺豈遂有女禍爲得子難耶男女
之生各以數至此又不必謂慣行溺女之家多至絕
嗣也溺之豈卽產佳兒此其婦人必多懶婦無非爲
胎產不一恐保抱費力其丈夫自是鄙夫亦無非爲

惟婦言是聽恐將來費事故但覺女若可溺遂視人
溺亦溺耳而亦思此身若有父無母身從何來而亦
思舉世皆育男溺女人類不從此絕乎而亦思方其
溺也覩其形誰不首爲之疾聞其聲誰不心爲之酸
爲父母者不知是何心腸竟乘其無知竟利其無能
無辜取懷以十月者任意立使之必死究何忍提得
此手起也似此惡習全無人心國法天理皆不容宥
本縣爲一邑父母焉得不亟爲救止除嚴密查究外
合行出示嚴禁仰闔邑諸色人等知悉嗣後務知人
相保全毋昧生人不忍之良自坐故殺卑幼之罪倘
敢違玩許該保鄰指名赴縣具稟以憑嚴拏懲治該
保鄰如敢徇情容隱一經查出定併拘究其各凜遵
毋違

育嬰堂告成記

永州八屬向無育嬰堂余承乏東安憫厥習俗久思創此至嘉慶庚辰九月始自捐置南城屋宇以爲是堂并勸樂善士民捐田爲收養諸經費士民踴躍從善不數月間捐田二百九十餘畝捐銀二千二百九十餘兩計一堂諸費所需已苟合苟有用揀首士酌立規條雇乳收養呱呱滿堂洵從來未有之善舉後之君子誠慎守所已成更濟所未及推己溺之思擴同胞之量亦千百年一方之良法也堂凡三層通計一十六間左右橫屋復齋文集

卷五 記

三五

凡六座通計二十間自官廳厨房及倉屋碓屋悉備其屋基南北二十五弓有奇東西一十五弓有奇其堂外東畔園地南北二十一弓有奇東西一十二弓有奇工作既竣爰率首士親行丈量繪圖存據並詳開捐助各姓名以示不朽

古今之治術古今之學術爲之也而要可一言以蔽之曰簡易曰易簡而天下之理得惟易故簡簡內聖外王之要道也古之聖人皆以簡自治以治其民自治簡則主一而心不雜所以執其中而無不敬治民簡則主靜而民不擾所以建其中而無不平此唐虞三代所爲以學術爲治術而天下悉相安於易知易從之理也降至夫子不獲以治術行其學術不得已乃傳其道於六經其書雖多而其旨則一無非以至簡之道爲天下後世告耳顧自漢以來解經者非失

復齋文集

跋

一

之淺陋則失之支離至今不下數千家其言愈煩其經愈晦學術不明治術因之而其蔽則皆由不簡豈知聖人之道至簡而賅是以聖人之言亦至簡而文今乃舉其直捷者而迂曲之其渾淪者而破碎之非不盡其精微毋乃傷於廣大無怪乎自漢以來學術之日晦而治術因之亦紛矣愚竊以爲六經之旨本自昌明如日月之經天也本自貫通如江河之行地也特爲之說者障之以雲霧而使之不明塞之以沙礫而使之不通所以六經之書亡於秦火者其半而

亡於諸儒之訓詁者其全也今欲掃雲霧而除沙磧則莫如盡置漢以來之訓詁而惟讀本經若此身親列聖門然乃不知有漢無論其他於是卽以本經注本經而昌明者復昌明貫通者復貫通自有以豁然見聖人之學至簡而易知易從初非如爲之說者之煩而難盡也以爲學術則簡而明一言可行以終身以爲治術則簡而決無爲可登於郅治惜乎自漢以來未有以此治經而治民者子曾子生乎數千載之後悼經學之日晦於諸儒而慨然念聖人之學之

復齋文集

跋

二

不傳也獨以聖人之經注聖人之經其爲說也乃始舉自漢以來訓詁之說而一空之第沉潛乎本文之義而經旨自出一爲之去其障而其光炯然仍如日月之經天一爲之開其塞而其流汨然仍如江河之行地於虛偉矣自有六經以來天不生吾師萬古如長夜也天旣生吾師萬古開羣蒙也而要其爲說可一言以蔽之曰簡言簡而六經之理得矣不寧惟是子曾子之於簡學術然治術亦然今讀其文集所論自治之術剛以制心恕以濟物惟簡也是真

學問也所著詩古文詞氣浩而直骨高以峻惟簡也是真文章也所答問政之書貫徹古今切中時弊惟簡也是真經濟也少壯以簡之道讀羣經以踐之於身力學復古獨得於心人罕知之惟以文名一時亦復深自韜晦不求人知及其司鐸浙水上之人有廉其學之達時務者爰薦之於

朝來令東安廉而明仁而恕民感之爲德政歌榜於四衢於是人皆知其爲循吏也而皆不知子曾子之所以治東安者特學術之見於治術者之小試而

其學術之獨得於簡者固爲自漢以來諸儒之所不逮而獨有以接乎數千年不傳之傳其爲功於聖門者初非人之所及知也然而其治東安者簡之爲效已可見矣昔子周子起北宋時人見其樂山水也則以爲高人見其決疑獄也則以爲良吏獨子程子之父有以知之後乃得子程子之表章之而其學遂傳子曾子之門章不知其孰爲程氏者顧其學之必傳則天理有必不容沒而聖人之靈有必爲之佑也不然其家災於祝融火炎昆岡玉石俱焚矣而此集乃

歸然獨存非天之理於是在而聖人之靈陰有以呵護之有不爲灰燼者乎章不敏以丙子春主講泉踈

得謁子曾子於行館謬以爲小子可教而納之門

牆乃始以生平所自晦之學而盡洩之於章章亦何

幸而得聞夫子之至論也哉其素所著述多散軼

無存者燼餘之文哀成此集曰吾將藏之名山傳之

其人久矣子其人也勉之哉章聞而媿汗竊勸夫

子付之剞劂氏以俟後之君子子曰可刊旣竣章

乃敬讀而跋之後之學者其亦可以知聖人之道矣

復齋文集

跋

四

嘉慶二十二年丁丑十月二十有五弟子武陵楊

大章敬跋

